

沅陵縣志卷三十三

列女一

明

庠生潘耀卿妻賈氏庠生賈瀾女也幼讀書知大義耀卿  
 父棠官南畿耀卿挈賈赴父任至湖口卒賈氏哀泣斂  
 訖欲赴水死女奴每護持之扶柩至南畿見翁姑痛哭  
 堂下入臥內即自縊家人馳救獲免未幾聞夫喪將歸  
 遂自剄死遺詩一絕云拋棄餘生思不禁可憐死別倍  
 傷心雙魂渺渺今何在化作啼鴉返故林應天府尹聞  
 於朝詔旌表之

一統志 明統志 省志 府志  
 舊志

沅陵縣志

卷三十三

列女

王泰妻張妙貞上元人也泰為辰州衛指揮舍人未襲蔭  
 卒妙貞時年十九生子英甫逾歲妙貞翦髮以誓親族  
 莫奪其志事舅姑甚謹成化三年事聞旌表其門後子  
 英以軍功累官至都指揮使封泰鎮國將軍妙貞太夫  
 人壽八十一終

明統志 省志 府志  
 舊志

李榮妻陳氏名溶自幼寡言笑宏治戊午榮為商靖州偶  
 疾作歸未抵家而卒輿觀至溶痛哭仆地家人救之乃  
 憑屍周視浴畢易以衣巾如禮深居不出以姪為嗣及  
 免喪族人欲奪志者溶曰吾聞餓死事小失節事大  
 吾志不可變也卒以節終潘棠為紀其事

省志 府志  
 舊志





辰州衛千戶韓嵩妻陳氏幼端靜不輕言笑讀孝經列女傳能解大義年十七歸嵩時孀姑周氏病癱臥榻陳躬親提負朝夕覓甘旨以供後嵩卒陳年二十七哀毀嘔血誓以死守卒年九十六事聞按院柯立臺給銀嘉獎知府趙孜書節孝壽康以匾其堂

省志

府志

舊志

吳永華第六女宏治中年十三與姊入山采筍猝遇虎攫姊去女操杖追之姊得脫女翼之行數步姊死知府張濂嘉之賚以粟帛

省志

府志

舊志

張氏女完李太麒之聘妻也未嫁而太麒卒有姊適文思源生子三人正德初姊卒議娶完完父母亦可之完曰

沅陵縣志

卷五

列女

二

未有以姊夫爲夫以甥爲子者也越二年父母強納采遂痛哭絕食者三日竟自縊死

一統志

省志

舊志

吳勲側室祝氏勲官指揮正德七年戰死訃音至詢其遇害之故卽以手撫膺痛哭仆地而死時子山尙幼不復顧念也太守戴敏哀之詳請旌表其門

省志

府志

舊志

武舉張四維妻芮氏辰州衛芮指揮長女正德己卯四維中武科旋疾卒遺子方七月芮年十七告翁姑曰張氏世受皇恩今遺此子可繼蔭典願撫孤守節翁姑有難色乃斷髮立誓名其子曰萬年躬操作以事二親教萬年成立旣襲職衛指揮通達書史登嘉靖戊戌武榜累



陞四川都司弭盜有功加鎮國將軍上奏母節封太宜人給金建坊

省志 府志

陳氏女許字李宏未嫁而宏卒訃至不食死

一統志 省志 府志

宰生梁嶽妻曲氏獄卒氏方二十一遺孤凌雲三歲凌霄

半歲族人勸其再適曲不從閉門自守以教二子後凌

霄業儒天亡遺妻吳氏年二十二有遺孤方四月父逼

之嫁不從與姑同心堅誓曲氏六十九歲卒吳氏卒亦

七十餘府道旌其閭曰一門雙節

省志 府志

庠生邵銳妻雷氏年二十歸銳生子文臣夫卒慟哭幾殞

其父母勸之曰汝死遺孤將安託乃曰吾當教子成名

沅陵縣志

卷三十一 列女

三

使得見先君子於地下後文臣中萬歷戊子鄉榜道府

旌其門壽七十終

省志 府志

徐玉龍妻張戊貞性篤實寡言笑玉龍從軍戍乾州卒戊

貞殯葬既畢遂投繯而死並葬於桃花巖吉安羅倫作

桃花巖行以表之

省志 府志

鮑之良女名賽賽辰州衛人年十五隨父耕畬歸途遇虎

攫父去賽賽操刀追之相持良久刀柄折遂遇害

徐禎

卿異林

一統志

省志

府志 舊志

按湖廣通志府志撰作王之文妻賽賽雖許字之文然

未嫁且死父難故令從省志書鮑之良女為是



余芮妻顧氏芮卒無子守志以終

省志

李生妻汪氏貢生大猷之女生早逝汪矢志守節崇正末

寇掠辰州見汪有殊色因扶掖上馬汪以遺孤付翁少

川囑令逃去遂墜馬撞石而死

省志 府志 舊志

趙朝臣妻覃氏生子五人夫卒明末避亂北河舟至順江

遇兵自度不免泣囑諸子曰汝曹勉承先志吾命畢此

矣即懷大鏡躍入波濤以死厥後子孫蕃衍人文蔚起

省志

府志

武玉瑾妻賀瑞英年十八歲玉瑾卒矢志守節夫兄欲嫁

之瑞英自縊救之得免以節終

一統志 省志 府志 舊志

沅陵縣志

卷三

列女

四

指揮舍人黃向陽妻丁氏秉性柔順事孀姑十餘載克盡

婦道崇正末值王馬兵亂走避北河向陽與子道昇俱

被擄丁挾一使女逃入四野溪河邊賊又至泣謂使女

曰嗟乎吾夫吾子今何存乎吾焉用此身乎言訖投溪

河死使女歸述其事邑貢生盧之鼎輓以詩曰性比風

雷烈名偕江漢清道昇後入邑庠

省志 府志 舊志

庠生趙士雲妻陳氏夫卒遺子二女一氏年二十七勤紡

績操井臼家道賴以不墜

省志 府志 舊志

御史唐愈賢繼室鄧氏年二十二守節始終不渝卒年七

十院道皆旌其宅

省志 府志 舊志



姚長女江東村人也許聘米某未嫁而米夭女痛哭成服如禮翁姑令改嫁女誓不他適斷髮毀容以死自守乃於父家構一密室雖至親罕見其面縞衣蔬食紡績自贍苦節四十五年疾革姑始來視女強起櫛沐拜姑前曰爲姑婦以命薄不能奉侍今從兒夫地下念無可爲翁姑壽者有衣履數具皆婦手刺今以奉姑言訖哭不成聲姑與女父母相持大哭端坐瞑目而逝

省志

經歷蕭述祖妻向氏崇正末流寇屠掠向與夫俱罵賊遇害

省志

曹祐元妻張氏姑歐氏性嚴厲祐元夫妻敬供甘旨時稱

沅陵縣志

卷三十三

列女

五

爲孝丙申兵亂被掠至歐家灞夫婦牽挽寸步不離凡三晝夜忽一卒給祐元曰汝欲歸助我負米至營即放汝祐元忻然偕往至溪旁殺之因解所繫帶復給張曰此汝夫帶命汝前行張細檢帶兩頭見血跡猶潤大驚舌舐其血吞聲走山巖卽以帶自縊死次日兵退鄰人陳世泰聞其事往探見張衣裳盡結淚痕滿面乃聚荆榛焚其骸殮而瘞之徧覓祐元屍莫能得

省志 府志 舊志

石國璋妻沈氏婦道克敦丙申兵至被繫挾以上馬沈嚼血大罵兵連刃之而死猶罵不絕聲聞者義之稱曰貞

烈省志 府志

舊志



指揮劉青陽妻胡四姑夫死撫子愈忠貧苦自廿年五十餘遇兵被掠投燕子灘而死省志 府志

董應麒妻謝氏丙申兵至應麒負子逃去謝見勢危乃解

帶倚樹縊死

省志

府志

庠生賈以經妻覃氏以經少業儒未就覃勸之學無墮先業後以經入泮食餼未幾卒遺子萬祚覃兄弟勸之再適怒曰我肯甘再醮之辱乎我昔能助夫成名今獨不能撫子成立乎愈勤紡績閉門教子後丙申兵亂覃攜子至北河浮橋邊問水深淺曰幸生者多失節我不能再顧汝矣言畢躍入江子急救之莫能得一時婦女感

沅陵縣志

卷三十一

列女

六

奮沈水死者百餘人惜不詳其姓氏

省志

府志

杜氏女名小英父衍旒字偕公邑廩生母姜氏生一女兩

子小英幼慧父延其妻兄姜伯仁教之讀取古今貞人

節婦所作一一訓之甲午 大兵破辰州小英匿深山

中為小軍所獲進之曹將軍小英跪請曰敢不相從但

母歿時誓持齋三年已兩載十月矣俟畢薰沐死下陳

所甘心也不然惟求一死耳將軍有母事之且孝聞小

英言為之泣竟如約遂與其母同居至漢口處小英一

室遺之鏡小英曰感君恩銜報無地予粗知筆墨當祭

母江上遂終身偕老矣從容書絕命辭十章序一首以



油衣裹於胸至晚祭母遂投江而死時六月二十四日也尸至陽邏迴旋不去陽邏人收葬之大士閣後得其詩以傳於世初小英母夢一女子玉聲璆璆向之而拜自號英臺母異之而妊遂名曰小英及後父亡母姜氏亦自縊以殉

省志  
府志

按小英才烈如此舊志採訪未確載之雜識中乾隆間修府志當事者訪其從子孫且揚其父偕公墓石則二子一女之名皆在并其舅姜伯仁之名亦在始登大傳洵定論也嘉慶間修湖南通志亦立傳今改正舊志編入正傳其詩與序詳載藝文中

沅陵縣志

卷三

列女

七

按自李榮妻陳氏以下十六人未旌者俱於國朝道光十四年補旌